

四庫全書

子部

欽定四庫全書

子部

聖濟總錄纂要卷十七

詳校官太醫院醫官_臣姜晟

編修_臣倉聖脈覆勘

總校官降調編修_臣倉聖脈

校對官修撰_臣吳錫齡

謄錄監生_臣王利賓

欽定四庫全書

聖濟總錄纂要卷十七

休寧程林纂

面體門

面黥黥

論曰黥黥之狀黥如烏麻班如雀卵稀則暴布密則不可容鍼皆由風邪客於皮膚痰飲浸漬其形外著或飽食安坐無所作為養生方所謂積聚不消之病使人面

目驚肝是也散之固有常劑若乃塗澤蠲除朝夕從事者又安可已耶

治面黥黥二方

雞子

一枚
去黃

硃砂末

一兩

二味先研硃砂為末入雞子中封固口與雞卵同令

雞哺候雞雛出即取塗面效

沉香

三分

牛黃

三分

薰陸香

三分

雌黃

各半兩

丁

香

一分

玉屑

三分

鷹屎

半兩

水銀

一分

共八味先將三味香擣羅為末次將玉屑雌黃入乳鉢中研令細方入水銀及諸藥同研令極細入白蜜調和令稀稠得所入瓷盒中盛每至臨卧時塗面點黥處

杏仁膏

治面黥點塗之令白潤澤

杏仁

去皮尖雙仁一兩半

雄黃

一兩

瓜子

一兩

白芷

一兩

零麥香

半兩

白蠟

三兩

右六味除白蠟外並入乳鉢中研令細入油半斤并

藥內鍋中以文火煎之候稠凝即入白蠟又煎攪勻
內瓷盒中每日先塗藥後傅粉大去黥黥

羊髓膏方 治面黥黥塗之令光白潤澤

殺羊脰骨髓

二兩

丹砂

半兩

雞子白

三味先將髓并丹砂入乳鉢中研令極細以雞子白
調和令勻入盒中盛每用時先以漿水洗面後塗之

益母草塗方 治面黥黥令光白潤澤

益母草灰

一升

一味以醋和為團以炭火煨七度後入乳鉢中研細
用蜜和勻入盒中每至臨卧時先漿水洗面後塗之
大妙

面肝皰

論曰面肝皰者面生皴皰細起如粟殼狀曰風熱相搏
而生蓋諸陽在於頭面風熱乘之結而不散故成肝皰
養生方說醉不可露卧及飲酒熱未解冷水洗面令人
面發瘡輕為皰正謂此也

白芷膏方 治面疔炮塗面光白

白芷

白斂

各三兩

白朮

三兩半

白芨

細辛

三兩

白茯苓

一兩半

白附子

一兩半

右七味搗羅為末用雞子白和勻丸如彈子大瓷盒中盛每臥臨時先洗面後取一丸以藥水研化塗面上明旦井華水洗之不過七日大效

礬石散方 治面疔炮令白塗面

礬石

燒令汁盡

白石脂

各一分

白斂

三分

杏仁

去皮尖研半兩

四味並為散以雞子白調令入瓷盒中盛臨臥時先用漿水洗面後塗藥明旦以井華水洗之

浮水膏方 治面肝炮令光白

水萍

暴乾
五兩

一味擣羅為末以白蜜調和稀稠得所入瓷盒中盛每臨臥時塗面

面皴炮

論曰諸陽皆會於面風邪熱氣客於膚腠不能流通因

發為皴皸形似米粟色有赤白亦有緣醉酒露臥及飲酒未解以冷水洗濯而得之有率由風熱在皮膚間外感冷氣擊搏而成

杏仁膏方 治面皴皸

杏仁

浸去皮尖
研半兩

硫黃

研一分

蜜陀僧

研半兩

硃砂

研一錢

白鵝脂

鍊成四兩

右五味除鵝脂外再同研如粉入鵝脂油更研令勻
傾入瓷盒子坐塘灰火中養之攪令稀稠得所成膏

每臥臨時以紙拭炮令乾塗之

防風散 治肺臟風毒及過飲成皴皯

防風

兩一

石膏

細研
水飛

小荆子

兩一

梔子仁

兩一

薺芎

兩一

枸杞子

兩一

白蒺藜

兩一

甘草

炙半
兩

共八味搗羅為末每服二錢溫水調下食後服

面皴

論曰面皴者是粉刺也面上有皴如米粒此由膚腠受於風邪搏於津脈之氣因虛而作亦去傅胡粉散入虛

肌使之然也

白斂膏塗方 治面粉皴

白斂

白石脂

杏仁

去皮尖雙仁
研各半兩

三味搗羅為末更研極細以雞子白調和稀稠得所
瓷盒盛每臨臥塗面上明旦以井華水洗之

兔絲汁塗方 治面粉皴

兔絲苗

一握

一味搗絞取自然汁塗面上不三五次效

石粟膏塗方 治面粉瘡癰如麻子

石灰

二兩

粟米

二味將石灰研細同粟米內瓶中以水浸三宿取出
研如膏曝乾重研如粉以面脂調勻入瓷盒中盛每
洗面訖拭面塗之

面體疣目

論曰風邪入於經絡氣血凝滯肌肉弗澤發為疣目或
在頭面或在手足或布於四體其狀如豆如結筋綴連

數十與鼠乳相類故謂之疣目

去疣目方

石灰

二兩

一味以苦酒漬七日滴汁點疣上即落

又方

牛口中涎用以塗疣上自落

又方

艾

一味作注於虎目上灸之三壯即除

狐殍

論曰陰陽之在人血與氣爾二者調適則行流散徙莫或底滯達於形色暢於膚理無不得其和苟失其宜血氣從而凝積此所以有狐殍之病其候不一有曰狐殍有曰體殍有曰漏腋狐殍者指其腋間體殍者舉其大槩漏腋則又言其溼而生瘡者不可不辨也

治丈夫婦人腋氣不可近者方

右方以開通錢四十九文用銅筋穿入炭火內燒赤醋浸四十九次碾羅為細末入麝香一分研和勻先用熱酒洗腋下後以藥末揩腋下數次永除殞氣治腋氣人不可近者方

石灰

兩二

桑柴灰

兩一

炭灰

兩一

雌黃

兩一

四味同研末水調塗於腋下可一食久即以柳木篦子刮藥其腋下毛並落然後用四灰散

治腋氣四灰散方

粉霜 艾葉灰 礬石灰 鉛灰

無即用胡粉
案陀僧代之

四味唯艾葉灰稍多餘並等分研令極細先以醋漿水洗拭乾即傅之不過三五上永除殞氣如要試但傳藥蒜上良久自無殞兼治脚汗

治腋下溼汗不止及足心手掌陰下股裏常如汗溼殞方

乾薔薇根 乾枸杞根

甘草

炙各
半兩

商陸

胡粉 滑石

炙各
一兩

右六味先將四味擣羅極細即入研者二味拌勻以

苦酒許和塗當微汗出夜復更塗之不過三傳愈

丁沉丸方 治七竅殞氣

沉香

一兩

丁香

半兩

甘草

炙半兩

白瓜子仁

一兩

藁本

三分

當歸

芍藥

麝香

共八味研七味為細末後入麝香拌勻鍊蜜丸如小豆大每服溫酒下二十丸日三含化令徧體俱香

滅癰痕

論曰風熱諸毒留於腑臟發於肌肉而為瘡癰病後瘡

愈餘毒未殄故瘡痂雖落而癰痕不滅治法既有塗澤膏潤之劑亦須賴榮衛平均肌溫氣應外宜慎風冷也
辛夷膏方 治面上癰痕塗之

辛夷

一兩

鷹屎白

杜若

細辛

各半兩

白附子

三分

共五味除鷹屎外並剉碎以酒兩盞浸一宿別入羊髓五兩銀石鍋中以文火煎得所去渣將鷹屎研如粉內膏中攪勻再以微火煖入盒中每日三塗瘡癰

上避風

當歸膏方 治面上癰痕塗之

當歸 白芷 烏雞糞

以猪脂三斤飼雞三日
後取乾雞糞各一兩

鷹屎白

半兩與雞
糞同研

右四味先將當歸白芷剉碎酒浸一宿別鎔猪脂一
斤消後入浸藥并酒文火煎之候白芷黃色去滓將
雞屎鷹屎內膏中攪勻傾入瓷盒中每日三塗癰上
避風

臘脂膏方 治面上癰痕塗之

臘月豬脂

四斤

大鼠

一枚

二味入鐺中以文火煎之待鼠銷盡以新綿濾去滓入瓷盒盛每用先以布拭令癰痕色赤次以膏塗之三五度差慎風

雞子膏方 治瘡癰痕無問新舊塗之

雞子

五枚

一味熟煮取黃於鐺中炒如黑脂膏以物先揩癰痕

然後塗膏日三次即自滅

麥麩散 治面癍痕凸塗之

右方秋冬以小麥春夏以大麥麩細擣為散酥和傅
封癍痕上

真玉磨方 治面上癍痕

真玉 取平處一面磨癍痕久則無痕

髭髮門

眉髭髭髮統論

論曰足太陽血氣盛則眉美足少陽血氣盛則髯美足少陰血氣盛則髮美手陽明血盛則髭美夫經絡所至不同血氣各有所屬眉髯髮髭率本於經絡之血氣或黑或紺或黃或白可以知盛衰蓋血氣在人猶水之津也髭髮猶津之有多也津之槁澤而多隨之則髭髮本氣血可知矣

烏髭髮

論曰髮本於足少陰髭本於手陽明二經血氣盛則悅

澤血氣衰則枯槁容貌之間資是以貴飾則還枯槁為
悅澤法焉可廢乎

地黄丸方 烏髭髮

生地黄汁一斤 生薑汁五合

巨勝子 旋復花

熟乾地黄 乾椹子各二兩

共六味除二味汁外擣羅為末先將前二味汁用銀
器煎熟看稀稠將藥末和丸如彈子大每服夜飲酒
半酣後含化一丸

揩牙烏髭方

皂莢

懷州者
十條

以地黄自然汁生薑自然汁各半

盞和勻旋刷皂莢於火上炙以二藥汁盡為度研細為末入青鹽拌勻逐日擦齒藥用經旬效

鬚髮黃白

論曰足少陰血氣盛則髮潤澤而黑足太陽血氣盛則鬚潤澤而黑二經血氣虛乏則鬚髮變為黃白然則還其潤澤復其紺黑雖有傳染之法曾不如益血補氣為

常服劑蓋血調適則滋澤外彰其視用傳染之功遠矣

乾漆丸方 治髭髮白可以變黑

乾漆

炒令烟盡

栢子仁

炒

生乾地黄 熟乾地黄

各一兩

共四味擣羅為末研糯米飯和擣三五百杵塗酥丸如梧桐子大每服二十丸空心溫酒下

治鬚髮黃白變令黑色倒行油方

右方取銀子三兩作小盒子盛汞一兩以乾水蛭七枚為末同入盒內用蚯蚓泥固濟約半指厚深埋在馬糞中十九日取出已化為黑油矣用魚胞裹指頭點藥撫之

白禿

論曰蟻之為害因血氣虛乘風而上則能生瘡疽癰瘍疥無不為也瘡痂不去而痒鬢髮禿落無復生榮是為白禿

五味子膏方 治白禿落髮

五味子 肉蓯蓉 松脂 蛇牀子 遠志

各三兩

雄黃 研 雞糞白 雌黃 研 白蜜 兔絲子

五兩

以酒浸一宿各一兩 猪脂

二升

共十一味先將草藥擣羅為末次將石藥及雞糞白再研令如粉下猪脂松脂入鍋中同熬化復下諸藥文火煎稀稠得所以綿濾去滓瓷盒盛每用先以桑柴灰汁洗頭令淨後塗藥不過三次髮落生

赤禿

論曰諸陽脈皆在於頭風熱乘之則陽邪熾盛發於頭皮腦絡之間細瘡偏密赤色有汁痒痛侵淫乃至髮落故名赤禿

旱蓮汁方 治赤禿髮落塗之

旱蓮草

三兩

鐵粉

一分

二味先將旱蓮草搗絞取汁次入鐵粉研令極細入盒中每用先以泔漿洗頭次塗之

牛羊角灰方 治赤禿髮落塗之

牛羊角

等分
燒灰

二味研如粉以豬脂調傅之

馬蹠灰方 治赤禿髮落塗之

馬蹠

燒灰

一味研如粉用臘月豬脂調塗之

樗汁方 治赤禿髮落塗之

黑樗

一斗

一味內瓶中密封於北簷下埋之百日即變為水每用淨洗頭次塗髮即生

眼目門

眼目統論

論曰內經曰肝主目又曰在臟為肝在竅為目難經曰肝氣通於目目和則知五色矣內經又曰心者五臟專精目者其竅也夫目既為肝之竅矣又為心之竅何也曰目者五臟之精華固不專於肝也所謂骨之精為瞳

人筋之精為黑血之精為絡脈氣之精為白睛肉之精
為約束是也析而言之則通乎五臟合而言之則主於
肝夫惟通乎五臟故曰精明五色者氣之華於此乎觀
五臟有餘不足六腑強弱形之盛衰以此參伍決生死
之分夫惟主於肝故肝虛寒則目眊眊視物生花肝實
熱則目痛如刺肝中寒則目昏而瞳子痛肝熱冲睛則
目眦赤痛生瘰肉不特如此神志俱悲而泣下則以水
火相感故也一水不勝五火而目盲則以陰陽各併故

也夫五臟陰陽其變動俱感於目又況攝養失宜動過生疾者耶或多熱食或嗜五辛或喜怒不時或房室不節以至凌寒冒暑處溼當風哭泣不寐凡過用目力皆至疾病其候不一養生者不可不知也

肝虛眼

論曰肝虛眼其證不一巢氏折之有忽然發腫者有淚出不止者有睛生翳膜暈者有視物漠漠不能遠視者有精彩昏濁黑白不明而暈者蓋肝開竅於目腑臟精

華之所聚也血氣既衰不足以榮養故證狀之異如此
龍木論有肝臟虛熱外障謂其證忽發昏澁淚出痒
痛摩隱瞳人黑睛腫漸生翳障視物不明者宜審
治之

栝子仁丸方 治肝虛視物漠漠不能遠見睛輪昏暗
澁痛

栝子仁 薏苡仁 烏麻仁 車前子 枸杞子

蒼朮子 兔絲子

酒浸別搗末各一兩

杜荊子 青箱子

五味子 蛇牀子 桂心 菊花 山藥 各半兩

熟乾地黄 肉蓯蓉 酒浸切焙 白茯苓 各一兩

右十七味搗羅為末鍊蜜和丸如桐子大每服二十丸空心溫酒下

石決明丸方 治肝虛血弱日久昏暗

石決明 兔絲子 酒浸一宿別研末 五味子 各一兩

熟乾地黄 細辛 知母 山藥 各一兩

七味為末鍊蜜和丸如梧桐子大每服三十丸空心

米飲下

地黄丸方 治肝虛淚出不止翳暈侵睛視物不遠或
睛昏濁黑白不明

熟乾地黄

五味子 兔絲子

酒浸一宿別搗

蕤仁

去皮

車前子

各一兩

白茯苓

栢子仁

研

細辛

甘草

防風

各半兩

共十味為末鍊蜜和丸如桐子大每服二十丸空心
溫酒下

肝實眼

論曰肝氣通於目其氣平則諸疾不生過實則生患乃有肝實眼之證令人目痛如刺久不已則目赤而生淫膚息肉治宜瀉之又當視其老壯凡人五十以前可服瀉肝湯過五十則不可或有是疾當不得已而用之菊花散方治一切眼疾肝熱上攻羞明畏日淚出

菊花

一兩

蜜蒙花

甘草

生

梔子仁

芎藭

大黃

各半兩

蒺藜子

炒去角

防風

當歸

焙切各一兩

九味為散每服二錢食後臨臥麥門冬熱水調下

生地黃湯方 治肝實熱眼熱痛不止

生地黃汁 蜜 車前子汁 玄參

三味和勻 各二兩

升麻 梔子仁

各一兩

芍藥

一兩半

細辛

半兩

共八味羅五味為末每服五錢水煎入前三汁再煎

溫服

點眼煎方 治肝實熱目眦熱痛

梔子仁 蕤仁 決明子

微炒各一兩

石膏

二兩

車前子

合三

竹葉

握二

秦皮

分三

白蜜

後三兩入

共八味剉碎七味以井華水五斤煎取汁一升再入
蜜調勻瓷器中重湯煮如稀飴每點如大豆許

羚羊角散方 治肝臟實熱眼目昏暗時多熱淚

羚羊角 羌活 玄參 車前子 黃芩 括樓

仁 山梔子

各半兩

胡黃連 菊花

各三分

細辛

一分

為散每服二錢食後竹葉熱水調下

目胎赤

論曰目胎赤者緣在胎時母嗜五辛及餌熱藥傳移胞藏內稟邪熱及至生長兩目赤爛至大不差故名胎赤又人初生洗目不淨穢汁潰壞者亦有之内外之治小異也

羚羊角湯方 治胎赤眼久不差昏暗漠漠瞳人脹痛

羚羊角屑

三兩

防風

芍藥

麝仁

麥冬

地

骨皮 決明子 甘草

炙各二兩

茯神

去木三兩

每服五錢水煎食後臨卧服

治胎赤眼點眼梨汁煎方

梨汁

絞汁一盞

古字銅錢

二十七文

胡黃連末

二錢

青

鹽

半兩

龍腦

一錢

共五味先將古錢二七枚重重着青鹽隔每一重錢
着一重鹽疊之填滿錢孔中入火燒令通赤去灰塵
投入前梨汁中浸一復時去錢將汁煎三五沸以新
綿濾入瓷器瓶內入胡黃連末浸七日去黃連龍腦
末令勻要用以銅筋點少許在目眚頭

治胎赤眼點眼龍腦膏方

龍腦

研一錢

麝仁

去皮一分研

杏仁

七枚湯浸去皮尖雙仁研

三味研如膏用人乳汁調和令勻瓷盒中盛每用以銅筋點少許在目眦頭日兩度

目赤痛

論曰內經謂心主血又曰肝受血而能視蓋肝開竅於目若肝血壅盛心經熱實熱氣既熾血乃滂溢而上衝於目故令目赤痛也難經所謂痛者為實宜散壅滯決

邪實則病可已

羚羊角湯方 治肝心氣熱目赤痛

羚羊角

鎊

蔓荊實

去白皮

菊花

防風

芍藥

各二兩半

黃芩

一兩

玄參

半兩

每服三錢煎再入馬牙硝半錢食後溫服臨臥再服

旋復花湯方 治目赤痛

旋復花 升麻 秦朮 防風 羚羊角 萎蕤

各一兩

黃連

柴胡

去苗葉

黃檗

去粗皮

甘草

炙各

兩半

每服五錢水煎食後溫服臨臥再服

乳汁煎點眼方 治肝熱目赤痛

人乳汁

兩半

古字錢

文十

二味以乳汁於銅器中磨錢令變色稀稠成煎即止
內瓷瓶盛每以銅筋點少許目眦頭日三五次

犀角湯方 治赤眼腫痛

犀角末

秦艽

兩二

黃連

馬牙硝

滑石

杏

仁去皮尖雙仁
半兩出油

右六味為末和勻以沙糖一處入藥熬成膏每用皂
子大沸湯化洗之

通頂散方 治赤眼腫痛

苦葫蘆子

四十粒

穀精子

研一錢

瓜蒂

十四枚
燒灰

乳香

研半錢

薄荷葉一錢

五味為末入龍腦少許鼻內搐一字立效

石膏散方 治上焦壅熱目赤口乾

石膏 甘菊花 羌活 白附子 白殭蠶 玄參

黃連

共七味等分為散每服二錢生薑茶酒調下

目熱礫痛赤腫

論曰五臟六腑之精華皆上注於目若風熱搏於腑臟毒氣乘肝衝發於目則熱氣外泄淚下眵多日夜暴燥故熱礫痛赤腫也

地骨皮湯方 治風毒衝眼赤痛朝乾礫

地骨皮 甘菊花 擇 升麻 黃連 防風 決

明子

微炒

細辛

各一兩

竹葉

共八味除竹葉外搗篩每服五錢入竹葉七片同煎服食後臨臥再服

龍煙湯方 治眼礫澀如針刺血痛昏暗

生麥門冬

一兩半

木通

一兩

熟乾地黃

三兩

旋復

花 大青

茯神

各一兩

黃連

各一兩

每服三錢水煎入芒硝半錢攪勻食前溫服

地骨皮散方 治風毒氣上攻兩眼礮澀疼痛及暴赤眼

地骨皮 羌活 防風 土茯苓

去刺
微炒

甘草

炙一
兩

為散每服二錢荊芥清茶調下如患暴赤眼濃煎甘草湯調下食後臨臥服

洗眼麤仁湯方 治目熱赤痛礮澀

麤仁

去皮

秦皮

防風

各一
兩

甘菊花

半
分

竹葉

二
握

山梔子仁

姜麤

各半
兩

共七味剉如麻豆以水五盞煎取二盞半熱淋冷頓

煖淋洗痛止則止即住煎藥不得犯鐵器

點眼黃連煎方 治眼目暴赤礮澀疼痛

甘蔗

十二兩汁

黃連

研半兩

二味於銅器中以慢火養令汁涸去半以綿濾去每日兩度點

目赤爛

論曰目赤爛者瞼眥俱赤且爛見風益甚又謂之風赤眼此由衝冒風日風熱之氣傷於瞼眥與津液相搏故

令赤爛也迎風則痒淚出遇熱則傷爛眇多治宜鎮平肝氣滌洗臉膚則清淨之竅自然明矣

菊花湯方 治風毒氣攻眼生瘡爛

菊花 升麻

黃連

去鬚

木通

防風

去叉

白茯苓

苓

地骨皮

萎蕤

各一兩

右八味擣篩每服五錢入竹葉十片同煎去滓空心日午臨臥溫服

柴胡洗眼湯方 治眼赤痛微腫眇赤爛多時

柴胡

去苗

麝仁

去皮研

黃連

去鬚

升麻

各一兩

右四味搗篩以水三升煮取一升半濾去滓微熱淋洗如冷再煖洗三遍

黃連散方 治赤白眚爛生瘡衝風淚出

黃連

去鬚

雄黃

研各一兩半

細辛

去苗藥

黃礬

去粗皮各

三分 乾薑 一分

右五味搗羅為散研令極細以密器盛每用二黍米許點兩目眚日三度

目血灌瞳人

論曰目屬肝肝受血而能視則目瞻視必資血苟因物損傷致血脈散亂則敗血侵睛灌注瞳人害於瞻視不早治或致喪明故謂之血灌瞳人

人參湯方 治血灌瞳人溢痛

人參 赤茯苓 細辛 桔梗 車前子

各一兩

防風

去

五味子

各半兩

共七味搗篩每服五錢水煎溫服食後臨臥再服

決明湯方 治血灌瞳人

石決明 人參 川芎 細辛 五味子

各一兩

赤茯苓

二兩

右六味搗篩每服五錢水煎服食後臨臥服

沒藥散方 治血灌瞳人

沒藥

一兩半

騏驎竭

大黃

炒

芒硝

各一兩

右四味搗研為細末每服三錢熟水調下空心食後

日三

赤脈衝貫黑睛

論曰眼者五臟之精華若風邪熱毒內干於臟腑則隨其經絡上衝於目故令赤脈衝貫黑睛也上下左右各有部分不可不察其從大眥侵睛而痒者肺胃熱也其從小眥起者手少陽脈動虛熱也其自上而下者足太陽脈動邪熱也其自下衝上者足陽明脈動邪熱也其源不同當察其部分依經以治之

通明湯方 治三焦熱治小眥偏赤赤脈射黑睛

木通 姜蕤

甘草

炙各一兩半

枳殼

去瓢炒

黃芩

去黑心

右五味搗篩每服五錢水煎入芒硝地黃汁各少許
再煎沸溫服

黃耆湯方 治眼上下赤脈貫黑睛

黃耆 芍藥 知母 升麻 犀角

屑各兩半

苦竹

葉

五十片

右六味搗篩每服五錢水煎入芒硝少許再煎溫服

摩頂明目膏方 治風熱衝目赤脈胬肉

生麻油

二升

真酥

五兩

車前子

淡竹葉

洗各半兩

吳藍 大青 黃連

去鬚

山梔子仁

麥門冬

槐白皮 甘草

炙

柳白皮

黃芩

馬牙莧實

生犀角

鎔

馬牙硝

別研

朴硝

別研各一兩

鹽花

研半兩

右十八味除硝鹽油酥外細通油瓷瓶中綿罩口重

湯煎三復時換去滓更新綿濾過置生鐵器中每日

飯後及臥時開髮滴頂心以生鐵熨斗子摩頂一二

千下蕪去目中熱毒昏障痛澁

墜睛

論曰墜睛者眼因賊風所吹血脈受寒貫衝瞳人風寒氣隨眼帶牽拽睛瞳向下名曰墜睛也日久不治瞳人損陷遂致失明

犀角散方 治墜睛眼時發疼痛視物散亂

犀角

羚羊角

各半兩

青牛膽

一枚

五味子

槐

實

羌蔚子

青箱子

惡實

炒

胡黃連

盧

會研

地骨皮

錢各一

兔肝

炙乾一具

右十二味除膽外搗研為末以膽汁拌勻每服二錢煎槐子湯調下卧再服忌發熱毒物

槐實丸方 治墜睛失明眼睛牽陷

槐實 羚羊角 獨活 地膚子 天麻 沙參

人參

各一兩

防風

去義

甘菊花

枳殼

炒各一兩

決

明子

二兩

右十一味搗羅為末鍊蜜和搗百杵丸如梧桐子大

每服三十九空心臨卧漿水下

蟹目

論曰臟腑壅滯肝經積熱上衝於目令人目痛睛疼者
毒氣結聚甚則黑睛上生黑珠子如蟹目狀故以名之
或有如豆者名曰損翳或曰離睛又曰蟹睛病極難治
不可鈞割及傳諸毒藥唯宜服宣泄之劑使邪熱退病
差矣

瀉肝補膽防風湯方 治蟹目疼痛

防風

半一兩

遠志

黃芩

人參

桔梗

炒

細辛

芍藥

各一兩

右七味擣篩每服五錢水煎食後臨臥溫服

姜蕤犀角散方 治眼生蟹目黑睛疼痛

姜蕤

犀角

蕤仁

湯浸去赤皮

黃連

去鬚

黃芩

梔子仁

甘草

升麻

各等分

共八味擣羅為散每服三錢水煎食後臨臥溫服

瀉肝黃芩羚羊角湯方 治蟹睛疼痛

黃芩 羚羊角 赤芍藥 細辛 桔梗炒 人

參

遠志

甘草

炙各半兩

防風

去義一兩半

右九味搗篩每服五錢水煎食後臨臥溫服日再

目珠子突出

論曰人因風熱痰飲攻漬腑臟陰陽不和肝氣蘊積熱毒之氣上衝于目使目睛痛疼甚者突出治宜先服寒藥以瀉肝氣然後調治勿求速效惟漸治之仍須微鍼引出惡汁也

麥門冬芩蔚飲方 治風熱攻目赤痛目睛欲凸出者

麥門冬

芩蔚子

各二兩

桔梗

炒

防風

玄參

知母

各一兩

黃芩

去黑心

天門冬

去心各一兩半

右八味搗篩每服五錢水煎食後臨臥溫服

黃連湯方 治風毒衝眼赤腫睛欲突出洗眼

黃連

去鬚

秦皮

黃檗

去粗皮各一兩

乾棗

十枚去核

麴仁

三分

右五味㕮咀如麻豆大拌勻每用一兩半以水四盞

煎至二盞稍熱去滓抄洗眼冷即重煖日三度

治睛眼忽然突出一二寸者冷水灌

右方急取冷水灌眼中數次換水須臾睛當自收

目見黑花飛蠅

論曰腎水也肝木也木得水而盛其理明矣腎水既虛
肝無以滋養故見於目者始則眵眊不能矚遠久則昏
暗見黑花飛蠅其證如此腎虛可知也治宜以益腎水
去肝風之劑則標本兩得矣

治肝腎虛眼生黑花宜服此方

磁石

二兩燒醋淬七
遍細研水飛

神麴

四兩
炒

硃砂

一兩細
研水飛

右三味搗羅為末鍊蜜和搗一二百杵丸如梧桐子
大食後酒下二十丸

治肝腎虛風上攻眼生黑花頭目不利能通神延年

川椒

一斤

一味揀淨去目并閉口者於銚內炒令透於地上鋪
淨紙二重新盆合定周迴用黃土培之半日去毒出

汁然後取出乾為度只取椒於瓷盒子內收每日空心新汲水下十粒

五倍子丸方 治眼見黑花去翳明目

巴戟天

一兩

枸杞子

揀二合

甘菊花

三兩

旋復花

四兩

蜀椒

去目并閉口者五兩

右五味將椒入銀器內入青鹽四兩醋三升慢火煮乾如罷物小旋添醋煮候醋盡又將椒與前四味焙乾杵為末鍊蜜和丸如梧桐子大每服三十丸至四

十丸空心午夜臨臥溫酒或鹽湯下

枸杞丸方 治肝腎風氣上攻眼生黑花

枸杞

久暴
二兩

巴戟天

穿心紫色
者去心

蜀椒

去目并閉
口者炒出

汗各
一兩

旋復花

擇
淨

右四味搗為末鍊蜜和丸如梧桐子大每服三十丸
臘茶下不拘時

兔肝丸方 治肝腎毒風攻衝眼生黑花昏暗視物不

明

兔肝

去筋膜切焙

羌活

黃連

菊花

各三分

地骨

皮龍齒 防風 柴胡 車前子 青箱子

白附子 姜蕤

各半兩

右十二味搗羅為末鍊蜜丸如梧桐子大每服二十丸食後竹葉湯下

息肉淫膚

論曰脾肺有熱蘊積不散傳播肝經流注血脈上衝於目發於臉皆息肉脹起攀系白睛隱澁妨悶故謂之息

肉淫膚

桔梗湯方 治目生雞冠蜬肉

桔梗

大黃

炒

細辛

黃芩

玄參

芒硝

銖過

者各一兩

防風

車前子

各一兩半

右八味搗篩每服三錢水煎食後溫服

點眼蝸牛漿方 治息肉淫膚赤白膜曾見人說治小

兒痘後生翳以蝸牛汁丹砂滴目中效

生蝸牛一枚

一味去其掩內丹砂末於口中火上炙沸以綿注取
汁傳于背中立效

點眼雀蜚膏方 治息肉淫膚赤白膜

雄雀糞

一味取細直者以乳汁和研細點傳翳上

又方

杏仁

湯浸去皮尖
雙仁用七枚

一味嚼細吐于手掌內以綿纏筋頭點于胛肉上不

過三五度差

點眼食鹽膏方 治眼中息肉

食鹽

研一分

驢脂

一兩

二味先熬驢脂後下食鹽調成膏以銅筋點如黍米
許於目眥頭日三夜一

通神膏方 治眼生翳膜赤脈息肉澁碇痒痛有淚

白沙蜜

四兩

青鹽

研

麝香

研各

硃砂

飛過

半字

白礬

飛過半字

當歸

為末半錢

黃連

去鬚為末一錢

右八味同研令研勻入青竹筒內慢火煮半日候冷
綿濾去滓瓷瓶收貯每點眼了瞋目少時以溫湯洗
翳與息肉等俱下

目生胬肉

論曰目生胬肉者由脾肺不利風熱乘之其候或痒或
痛赤瘀而爛壅熱既久息肉增長近則侵睛輪大則覆
瞳人治不可緩鈎割熨烙各自有法至于祛風滌熱之
劑豈可偏廢哉

玄參散方 治目赤痛胬肉滿疼

玄參 甘菊花 決明子 大黃炒 苦參

車前子 枳殼楚炒 山梔子仁 防風 黃連去鬚

升麻各二兩

右十一味搗羅為細散每服三錢食後以米飲調服
臨卧再服

決明散方 治眼生胬肉侵睛及贅肉生瘡暈眼赤

決明子 車前子 青箱子各半兩 黃連去鬚 姜蕤

甘草

炙

羚羊角

枳殼

炒 麩

芎藭

各一兩

右九味搗羅為細散每服三錢食後溫漿水下臨臥

再服

升麻丸方

治熱痛齧肉生瘡

升麻

車前子

黃芩

羌蔚子

玄參

決明

子炒

龍膽

山梔子仁

防風

甘草

炙

生地黄

地膚子

各一兩

右十二味搗羅為細末鍊蜜丸如梧桐子大每服二

十九食後溫漿水下臨臥再服加至三十九

點眼艾熏散方 治目生胬肉

蕤仁

研細一兩

膩粉

錢一

半酥

一兩

熟艾

如雞子大許

右四味搗三味入乳鉢中令極細攤開次取艾火燒將乳鉢覆令煙熏之候燒盡艾煙以槐木椎碎研令煙氣勻然後少少點眼胬頭三五度

鯽魚貼方 治目生胬肉澁痛

鯽魚

鮮者

一味去皮骨淨取肉一片中央開一竅正貼眼上日
三五度易

目内生瘡

論曰目内生瘡者以脾臟毒熱重蒸于上鬱而不散遂
令瞼内生瘡其初患時或痒或痛發歇無常或多眵淚
眇門如丹砂色於是漸有翳膜龍木論謂不宜點藥鍼
灸惟宜服瀉脾清膈之劑滌蕩本源當如是也

決明子丸方 治肝肺熱毒氣攻兩眼生瘡赤痛

決明子

炒

菊花

秦皮

黃連

去鬚各一兩

車前

子

地骨皮

各一兩半

黃芩

羚羊角

生乾地黃

焙

山梔子

萎蕤

秦朮

各一兩

青箱子

白茯苓

各一兩半

升麻

一兩

右十五味搗羅為末鍊蜜丸如梧桐子大每服三十丸食後溫水下再服

梔子湯方 治肝心熱毒目生瘡及礫痛

梔子仁

半兩

犀角屑

一兩

木通

黃芩

各半兩

大黃炒

瞿麥穗

各一兩

黃連

去鬚

車前子

一兩

右八味搗篩每服五錢入竹葉七片同煎入芒硝末半錢放溫服日二

清涼包子方 治眼赤熱生瘡退翳

黃連

一分為末

一味用水一碗面東撲取倒流水此小將黃連末勻搽在碗內用熟艾一塊如雞子大安在古錢七文上四面更用青銅錢四十文足作四塊塚子覆黃連碗

在上點火燒艾候煙盡更掃下黃連末用夾絹袋子
盛了取孩兒乳汁浸時時點在眼中覺口中苦透為
度如暴赤眼用之立效

目膿漏

論曰目膿漏者緣血脈壅熱傳入於足太陽膀胱之經
膀胱之脈起于目內眥則令人瞼眥腫痒久即成瘡膿
汁時下綿綿不絕如罷津漏故謂之膿漏不治則膿毒
淹漬穿壞白睛黑點相連即難治療

防風湯方 治眼漏睛膿出

防風

二兩

地骨皮 遠志 白茯苓 人參

黃耆

各一兩

大黃

炒

知母

各二兩

右八味搗篩每服一錢水煎食後臨卧溫服

龍腦散點方 治睛漏瘡目大眦出膿汁有竅

龍腦

研

馬牙硝

各半錢

菴豆粉

一錢

三味同研極細用燈心黏藥點之再點

目生珠管

論曰目生珠管者風熱痰飲漬于肝血氣蘊積津液結聚所由生也肝藏血故肝受血而能視氣調血和則精華見於目今邪乘於肝肝氣受病為風熱熏蒸痰飲漸漬使血氣壅閼上衝於目津液結聚狀如珠管故以名焉

銅青丸方 治眼生膚翳垂珠管

銅青

一兩

細墨

半兩

二味合研為末醋和丸如白豆大每用一丸以乳汁

新汲水各少許浸化以銅筋點之

鉛丹膏方 治眼卒生珠管

鉛丹

半兩

鯉魚膽汁

量鉛丹
多少用

二味合調如膏點目眦中日三五次

治卒生珠管方

白蜜

一味以少許點目中仰卧令淚出半日許洗之

雀目

論曰晝而明視暮不覩物名曰雀目言其鳥鵲不能見於夜也夫衛氣晝行於陽夜行於陰陰血受邪肝氣不能上榮於目肝受血而能視今邪在於肝陰血澀滯至暮則甚故遇夜目睛昏不能覩物世謂之雀目

防風煮肝散方 治雀目

防風

去義

黃連

去鬚

穀精草

黃芩

甘草

炙

天南星

各一兩

蛤粉

半斤

右七味搗羅為細散每服一錢用羊子肝一片銅竹

刀批開摻藥在內以麻繩纏定研粟米飯一大盞銀
石鍋內煮熟放溫臨臥嚼服切不得犯鐵器病甚者
不過再服必效

鬱金散方 治雀目

鬱金

三兩

新牛膽

一枚

猪膽

二枚

蛤粉

三兩

大黃

炙半兩

黃連

去鬚半兩

雄黃

一分

共七味將五味為細散并猪膽拌和入牛膽中填滿
陰乾為細散每服大人一錢小兒半錢食後新汲水

調下赤眼氣眼疳眼亦能治之

煮肝散方 治雀目咫尺不見物

紫芥菜子員香炒令黑色礮為細散用羊肝一具分作八服每用散二錢捻在於肝上以筍籜葉裏煮令熟放冷服以煮肝湯下不過一具肝永除根本臨臥時服

還睛丸方 治雀目

人參 細辛 白茯苓 木香 知母 芎藭

各一兩

石決明 茺蔚子

各二兩

共八味搗羅為細末鍊蜜丸如梧桐子大每服空心茶下二十丸

目瞼垂緩

論曰眼瞼垂緩者以血氣不足膚腠開疎風邪客于瞼膚其皮垂緩下覆睛輪故俗呼為睢目又曰侵風久之則垂覆愈下眼閉難開

茺蔚散方 治風毒攻眼瞼垂下

羌蔚子 防風 羌活 蔓荊實 玄參 細辛

甘菊花 黃芩 車前子 甘草 各一兩 大黃 炒半兩

右十一味搗羅為散每服四錢水煎溫服食後臨臥

各一

竹葉湯方 治眼熱毒瞼垂腫遮睛

苦竹葉 黃連 去鬚 黃檗 梔子仁 各一兩 麝仁 湯浸

去皮半兩

右五味細剉以水五大盞煎至二盞半去滓溫服澄

清洗眼日五七次

黃耆丸方 治氣血不足膚臉下覆睛輪垂緩難開又

名睢目

黃耆

蒺藜子

炒去角

生乾地黃

焙

柴胡

甘草

炙

梔子仁

苦參

白朮

白花蛇

酒浸去皮

骨各一兩

防風

去叉

菊花

茯苓

山藥

秦艽

各三

分

天門冬

枳殼

炒

白檳榔

各一兩半

右十八味搗羅為末鍊蜜丸如梧桐子大每服三十

丸空心溫酒下

升麻散方 治風邪客於臉膚其皮垂下緩覆睛輪眼

閉難開

升麻 山茱萸

各三分

甘菊花

細辛

各半兩

蔓荊實 山藥 防風

各一兩

右九味搗羅為散每服三錢溫酒調下

目臉腫鞭

論曰目臉腫鞭者內因肺肝積熱上衝于目外為風邪

所搏風熱留結在於瞼背血氣不得宣通故令腫鞭久不差多成風粟細瘡眇汁淹漬浸壞眼目先宜鰈洗出毒然後以藥攻治則病可差

黃耆湯方 治目瞼鞭赤腫痛

黃耆 羌蔚子 麥門冬

各一兩半

地骨皮 玄參

黃芩 知母

各一兩

右七味搗篩每服五錢水煎食後臨臥溫服日三

大黃桔梗散方 治目瞼腫鞭刺痛

大黃

炒一兩半

桔梗

炒

黃芩

玄參

羚羊角

白茯苓

人參

各一兩

七味搗羅為散每服一錢至二錢食後臨卧米飲調

下日三

洗眼防風湯方 治風熱客搏目瞼腫鞭

防風

秦朮

甘菊花

各一兩

麴仁

湯浸去皮

竹葉

一握

梔子仁

姜蕤

各半兩

右七味細剉令勻每服一兩以水三盞煎取一盞半綿

濾去滓每煖洗之

倒睫拳攣

論曰臟腑久積風熱內熏肝經衝發於目始則腫赤隱痛多淚日久津液澀少瞼眥皮急致睫拳倒刺隱瞳人治法當起去毛睫又刺太陽經令出血及鉞鐮除其惡血仍服除風退熱之劑

防風湯方 治風熱衝肝目多倒睫

防風 甘菊花 旋復花 決明子 炒 萎蕤

麥門冬 梔子仁 黃連 甘草 炙 升麻

秦皮 各等分

右十一味搗篩每服五錢水煎食後臨臥溫服

車前子散方 治倒睫赤眼疼痛不開

車前子 二兩 馬蹄決明 微炒 麴仁 各一兩半 地膚子

龍膽 甘草 炙 菊花 各半兩 青箱子 山梔子

仁 各一兩 前胡 三分

右十味搗羅為散每服二錢至三錢空心粟米飲調

下食後臨卧再服

洗眼湯方 治風熱攻目礫溢疼痛漸致倒睫

麤仁 秦皮 防風 各一
山梔子仁 菊花

姜 麤 各半
兩 竹葉

右七味細剉以水三升煎取一升半乘熱淋洗冷即
再煖作三度使

聖濟總錄纂要卷十七

欽定四庫全書

聖濟總錄纂要卷十八

休寧程林纂

眼目門

目生膚翳

論曰目生膚翳者以腑臟氣血虛實不調加以風邪痰飲鬱於膈上熏蒸既久衝發於目乃生膚翳其睛上及瞳人有物如蠅翅狀是為膚翳也

決明子丸方 治久患膚翳遮覆瞳子

決明子

炒

麤仁

去皮

地膚子

白茯苓

防風

麥門冬 澤瀉 芫薺子 枸杞子 五味子

青箱子

各一兩

細辛

車前子

兔絲子

酒浸別搗末三

分

生乾地黄

二兩

桂心

去粗皮半兩

黃芩

杏仁

右十八味搗羅為末鍊蜜丸如梧桐子大每服二十丸食後以米飲下臨臥再服九月服此藥加兔肝一兩至二月停甚妙

盧會九方 治眼熱赤痛及生膚翳

盧會

兩 研半

鯉魚膽

一枚 取汁

牛膽

乾者半兩 濕者用汁一合

熊膽

研一分

石決明

剖削 一兩

麝香

半兩

車前子

一兩

右七味除膽外搗研為細末後入汁同和勻鍊蜜丸如梧桐子大食後米飲下二十九加至三十丸

貝齒散方 治目風熱赤生膚翳點眼

貝齒

七枚 燒為末

珍珠

一分 為末

龍腦

研半錢

三味合研如粉每點眼時用黍米大於翳膜上日三

度

菊花散方 治眼目膚翳侵及瞳人如蠅翅狀

菊花 防風 木通 木賊 僊靈脾 荆芥

去梗

甘草

炙各一兩

右七味搗羅為散每服二錢食後茶半錢同點溫服

目生花翳

論曰目生花翳者點點色白狀如棗花魚鱗之類是也此由肝肺實熱衝發眼目其始則目痛淚出變生白翳

宜急治之不爾則致障翳也

桑白皮湯方 治目生花翳白點狀如棗花

桑根白皮

木通

各一兩半

羚羊角

澤瀉

黃芩

旋復花

川大黃

炒

玄參

茯神

以上各一兩

甘

草

一分

甘菊花

半兩

右十一味搗羅為細散每服二錢水煎溫服

羚羊角湯方 治眼生白翳如棗花

羚羊角

大黃

炒

桑根白皮

黃連

決明子

黃芩

去黑心

甘菊花

各一兩

甘草

炙各半兩

右八味搗篩每服三錢水煎煮食後溫服

退翳僊耒散方 治眼生花翳

蒼朮

二兩米泔浸一宿焙

木賊

甘草

炙各一兩

穀精草

蟬蛻

各一分

蛇蛻

一錢湯洗焙

黃芩

半兩

共七味為散每服一錢空心臨臥冷水調下

目青盲

論曰龍木論稱內障有變青盲者初患之時昏暗不痒

不痛亦無翳膜至於失明與不患者相似是知青盲之
狀外無異證瞳子分明而不見物由肝腎氣虛精血衰
弱不能上榮故目盲而無所見者經曰肝氣通於目目
和則知白黑養生方乃以塞故井水瀆令人目盲豈其
本哉

羊肝丸 治內外障青盲雀目眼生黑花白翳十年以

上者可治

羯羊肝

一具切片
文武火炙

蕤仁一兩

錦文斑鳩

一隻去
頭足腸

胃取肉
炙為末

細辛

防風

黃連

去鬚

瞿麥子

蒺藜子

桂

甘菊花

牡蠣

燒為末
各五兩

羌活

三兩

白茯苓

四兩

蔓菁子

二升蒸
五七遍

決明子

炒二兩

右十五味搗羅十二味為末入羊肝班鳩牡蠣末乳
鉢內同研勻鍊蜜和丸如梧桐子大每服二十九食
後臨臥茶清下

澤瀉湯方 治肝臟熱衝目赤瞻視漠漠積年青盲不
見物

澤瀉 杏仁

湯浸去皮尖研

決明子

炒

大黃

炒

黃

芩 甘草

炙

枳實

麩炒

芍藥

各一兩

梔子仁

人參

赤茯苓

黃檗

細辛

白朮

各半兩

柴

胡

四兩

青箱子

一兩

桑根白皮

炙三兩

升麻

一兩

右十八味搗羅每服五錢水煎入生薑半分同煮再入芒硝半錢放溫食後臨臥服日再

真珠散方 治眼青盲

真珠末

三分

胡黃連

三分

石決明

三兩

搗碎細末水飛

琥珀

三分

地膚子

一兩

天靈蓋

三分
燒灰

母猪肝

半兩

切炙
乾

右七味搗羅為散每服二錢食後溫水調下臨臥再

服日三

治青盲烏雞丸方

右方用黃荊嫩頭春初取之九蒸九晒取半斤用烏
雞一隻純黑者以米飼五日安淨版上飼以大麻子
又二三日旋收糞暴乾取入淨瓷餅子內熬糞令香

黃然後和荊頭搗成末鍊蜜和丸如梧桐子大每服
十五丸陳米飲下加至二十丸日二服

將變內障眼

論曰眼疾始於浮淺久而弗圖變為內障者非一端也
龍木論內障皆有其漸蓋從一眼先患後乃相牽其損
是肝腎氣虛風邪熱毒上攻眼目氣血衰微久則為害
但不痛不疼亦無眵淚目視如輕煙或如薄霧或見垂
絲或見蠅翅或見飛蚊其初若無足慮至其成內障則

慢慢不知矣今以將變內障者叙之蓋圖難於易之意也

瀉肝飲方 治雷頭風恐成內障先服瀉肝飲後服礪

石丸

防風

二兩

五味子

炒

細辛

車前子

黃芩

芫薺子

桔梗

炒

大黃

炒

芒硝

研各一兩

右九味搗篩為粗末每次服三錢水煎去滓放溫食

後臨臥服

礞石丸方

礞石

二兩燒赤
醋淬七遍

五味子

炒

牡丹皮

附子

去皮
臍

玄參

各一兩

右五味搗羅為細末鍊蜜丸如梧桐子大每服三十

丸空心鹽湯下

黃耆丸方 治肝虛勞兼膀胱久積虛冷目眩見花不

明漸成內障

黃耆 白茯苓

石斛

去根各
二兩

鹿茸

去毛酥炙
一兩半

五味子

炒二兩

防風

去義

生乾地黄

覆盆子

酸棗仁

牡丹皮

各三兩

石十味搗羅為末鍊蜜和丸如梧桐子大每服二十丸空心溫酒下加至三十丸

蕤仁丸方 治內外障眼

生乾地黄

焙一兩半

菊花

焙一兩一分

蕤仁

三兩

黃連

去鬚

車前子

各二兩

人參

麥門冬

各三兩

防風

黃芩 青葙子

湯浸焙

秦朮

羚羊角

各一兩半

甘

草

炙

丹參

炒

決明子

炒

天門冬

地膚子

升麻

炒

苦參

炒

地骨皮

羌活

玄參

炒各
一兩

分一

右二十二味搗羅拌勻鍊蜜和丸如梧桐子大食後
煮百合湯下二十九加至三十九但有瞳人不拘內
外障翳並治

目眇瞶

論曰目者五臟之精華肝之外候津液之道也若腑臟

挾熱內熏於肝衝發於目使液道熱澁結滯於眥眦則成眦膜

羚羊角散方 治風熱衝肝上熏於目結成眦膜

羚羊角

二兩

犀角

一兩

桑根白皮

生乾地黄

焙

防風 五味子

白蒺藜

炒

牛膝

羌活

芍

藥

各三分

為末每服二錢水煎溫服

淋洗秦皮湯方 治目生眦膜

秦皮

柴胡

黃連

去鬚

黃檗

蛇銜

各二兩

苦

竹葉

二握

細辛

一兩

每一服用藥二兩河水細細煎濃去滓須熱淋洗眼冷即再煖洗

黃檗膏點方

治風熱衝目多生眵膜

黃檗

去粗皮一兩

蕤仁

半兩

大棗

青州者三枚劈

三味以水三升同內瓷器中慢火煮至一升去滓取清再以淨瓷瓶子收每用銅筋點眼日五度

眯目

論曰眯目者簸糠飛塵等物入於目中也治宜亟出之
久不出着於瞼背因而傷動則為澀痛淚出古方初眯
時令綿裹筋撩去之或以墨汁或以雞血浮出者皆良
治雜物眯目不出方

桑根白皮

一味取新者一片如筋大削一頭薄椎令軟滑漸漸
入目中撥之須臾自出

又方

猪脂

一分

一味取塞鼻隨左右用之

又方

生粟米

七粒

一味爛嚼并唾洗之即出

治雲母等入眼方

好墨

研為細末用新筆蘸點眼大小皆頭即時隨墨出

又方

雞肝中血少許 取滴目中即出

又方

衣中白魚 暴乾研為末點皆頭即出

又方

酥 以少許內鼻中隨眯目左右垂頭臥少時令
流入目中淚與眯物同出

鍼眼

論曰鍼眼者以邪熱搏於血脈上攻眼目發臉皆結焮腫痛赤根白頭包裹膿汁痛如鍼刺治法當詳其外證隨宜砭刺決泄邪毒後以消毒敗熱之劑斷其根本半夏湯方 治目熱客目皆結成腫泡俗呼偷鍼者

半夏

湯浸七
遍去滑

細辛

各一
兩

前胡

枳殼

麩炒各
二兩

烏梅肉

半
兩

每服五錢水煎入生薑三片同煎食後臨臥溫服

芍藥湯方 治熱毒攻目眦目腫起有膿汁者

赤芍藥

一兩半

羚羊角

玄參

防風

黃芩

各一

兩

蔓荊實

甘菊花

各三錢

每一次服五錢用白水煎膿入馬牙硝一錢俟食後
臨卧時溫服

點眼麤仁煮方

治熱毒攻注目眦腫結赤痛

麤仁

研去皮

黃礬

去麤皮

青竹茹

洗切

秦皮

各一兩

梔子仁

半兩

剉碎拌勻以水三升入銅器中煮取一升以綿濾取清汁點眼日三五度

耳病門

耳統論

論曰腎氣通於耳心寄竅於耳氣竅相通若牕牖然音聲之來雖遠必聞若心腎氣虛精神失守氣不相宣內外窒塞斯有聾聵之疾經所謂五臟不和則九竅不通是也

耳聾

論曰耳聾之證有二有腎氣虛精脫而聾者腎氣通於耳也有經脈氣厥而聾者經脈終於耳也腎虛而聾者其候面色黑氣厥搏於耳而聾者其候耳中焔焔焔焔或耳中氣滿是也焔焔焔焔過在手少陽耳中氣過在手太陽以至五絡皆會於耳中各有證候審而治之肉蓯蓉丸方 治腎虛耳聾

肉蓯蓉

酒浸切焙

兔絲子

酒浸搗研

白茯苓

去黑皮

山藥 人參 熟乾地黄 桂去麝皮 防風去義

芍藥 黃耆半兩 附子去皮臍 羌活去蘆頭 澤瀉

剉各一分 羊腎一對批去筋膜炙乾

共為末鍊蜜和丸如梧桐子大每服三十丸空心溫

酒下

山藥丸方 治耳聾

山藥 熟乾地黄 礞石煨醋淬七徧 菊花炒 黃

耆 茯苓去木 木通各一兩 升麻 獨活各三分

共為末鍊蜜和丸如梧桐子大每服二十九米飲下
加至三十丸

礲石酒方 治耳聾及耳鳴常如風水聲

礲石

搗研碎綿
裹半兩

木通

菖蒲

米泔浸一二日
切焙各半斤

共咬咀以絹囊盛以好酒一斗浸寒七日暑三日每
飲三合日再

鐵酒方 治耳聾

鐵

五兩

酒

一升

燒鐵令赤投酒中去鐵飲之仍以礞石塞耳中

菖蒲丸方 治耳聾塞耳

菖蒲 木通 礞石

煨醋
研

乳香 杏仁

炒去
皮尖

松脂 蠟

各一
分

共研極細入鵝膏同搗一二百杵撚如棗核大以鐵
穿中心作一孔子先挑耳令淨然後內藥耳中入再
初著時痒及作聲勿怪

治久耳聾方

烏驢乳

合

皂莢

半兩
為末

蠟

一兩

相和於鈹子內鎔成膏凝定即丸如棗核大用針穿透安耳中一宿至來日看之有物下來在耳門中即便取却再用一兩度即差

又方 治耳聾塞耳

雄黃

分

硫黃

分

共研為末綿包裹一字於耳中即差

治耳聾灌耳方

鵝毛翎根筒

七莖

燈心

七莖

木通

一兩

地龍

三條

共相和燒灰研每用半錢以生油調傾入耳中便用
綿紙塞耳且側卧良久如此三度

鯽魚膽膏方

治耳聾滴耳

鯽魚膽

一枚

烏驢脂

少許

生油

半兩

和勻內樓葱管中七日滴放耳內

鵝膏方

治耳聾滴耳

鵝膏

一合

以少許滴耳中

蟹汁方 治耳聾滴耳

生蟹

二枚

搗絞取汁以少許滴入耳中

龜尿方 治耳聾滴耳

龜

一味物合於中荷葉上養之專看葉上有尿收取滴耳中

鼠膽方 治耳聾灌耳

鼠膽

雄者

取汁滴入耳內令透初益聾半日後便能聽雖久亦差

蠟紙角方 治耳聾

蠟紙

一張

一物裁為四片每一片於筋上緊捲抽却筋以蠟紙捲子安耳中燃之待火欲至耳急除去當有惡物出在殘紙上曰一角之角了以蠟塞定

又方 治耳聾

以綿裹鐵內耳中隨耳左右口含礞石一塊即通

風聾

論曰風聾者本於足少陰經虛風乘之令氣脈不通風邪內鼓則耳中引痛牽及頭腦甚者聾閉不通故謂之風聾黃耆湯方 治風聾颼颼如風雨鐘磬聲或時出清水或有膿汁

黃耆

一兩半

附子

去皮臍

菖蒲

米泔浸一宿各一兩

木通

二兩

五味子

防風

各一兩半

礞石

醋淬七次三兩

杜仲

炒去粗皮

玄參 白茯苓 熟乾地黄 人參

各一兩半

每服三錢生薑三片大棗一枚同煎空心溫服日二

魚腦膏方 治風聾年久

生鯉魚腦

二兩

當歸

切焙

細辛

白芷

附子

去皮

臍

菖蒲

各半兩

共為末以魚腦置銀器中入藥在內微火煮候香去
滓入瓷盒中候凝如棗核大綿裹塞耳中

勞聾

論曰勞聾者腎氣虛勞所致也足少陰腎經宗脈所聚其氣通於耳腎氣虛弱宗脈耗損則氣安得聰徹而不聾舊說謂因勞則甚要當節嗜欲慎起居無損腎臟為要

內補丸 治腎虛勞聾

熟乾地黄 附子

去皮 臍

桂心

去粗皮

肉蓯蓉

酒浸

一宿 鹿茸

去毛酒浸酥炙

人參

各一兩

山藥

一兩半

柴

胡

三分

遠志

半兩

胡黃連

一分

白茯苓

一分

細辛

鍾乳

鵝管者二兩以甘草水煎三日研

共為末再研勻鍊蜜丸如梧桐子大每服空心溫酒

下二十九

內蓯蓉丸方

治勞聾積久耳鳴

肉蓯蓉

酒浸一宿切焙

附子

去皮臍

山茱萸

炒

乾薑

桂心

去粗皮

巴戟天

去心

熟乾地黄

焙

石斛

去根

澤瀉

兔絲子

酒浸一宿別研

人參

白茯苓

蛇牀

子炒

牡丹皮

當歸

酒浸令潤

細辛

甘草

炙

菖蒲

朱泚浸一宿

黃耆

遠志

芍藥

各一兩

羊腎

一對

批去筋

防風

三兩

膜炙

除兔絲子外為末入兔絲子重羅鍊蜜丸如梧桐子大每服二十丸食後溫酒下漸加至三十丸日三

五聾

論曰五聾不同曰風聾曰乾聾曰勞聾曰虛聾曰聵聾是也腎通氣於耳足小陰其經也經虛受風邪及勞傷血氣停滯津液皆能致聾惟所受不同故其證各異葛

氏所謂風聾者痛掣乾聾者生疔聾勞聾者出黃汁虛聾者肅肅作聲聵聾者膿汁出可不辨哉

黃耆湯 治五聾

黃耆

一兩半

附子

一兩去皮臍

菖蒲

米泔浸一宿一兩

木

通

一兩一分

礪石

醋淬七次二兩

白茯苓

五味子

防

風

熟乾地黄

玄參

人參

各一兩一分

杜仲

一兩

去麋皮

每服五錢生薑半分大棗二枚同煮溫服續啖羊腎

卷十八
粥助之日四五服

耳聾有膿

論曰耳聾有膿者蓋腎藏虛勞傷血氣與津液相搏熱氣乘之則結聚於耳中腐化膿汁氣不開竅則致耳聾
禹餘糧散方 治耳聾有膿

禹餘糧

煨醋淬一分

烏賊魚骨

去甲

伏龍肝

龍骨

各半

附子

去皮臍一兩

共為散每以一錢綿裹塞耳中日一易取差為度如

有蟲加麝香一黑豆大

一方加錫墨半兩

治耳聾有膿水不絕臭穢方

肉蓯蓉

一兩

龍膽

一兩

白茅根

一兩

共燒為灰以少蜜和今勻後入鯉魚膽汁三枚攪令
稀即以絹拭取汁漚入耳中其拭乾滓捻作挺子以
薄綿裹塞耳不過三日上愈

治腎熱耳聾有膿血溜日夜不止方

鯉魚腦

枝一

鯉魚腸

具一

烏麻子

升一

先搗烏麻令碎入二味相和微火熬以煖布裏薄耳兩
食頃開之當有白蟲出復更作藥若兩耳並膿分藥
於兩耳中用若只一耳即於一面薄之不過三度差
二聖散方 治耳內出膿水

白附子

羌活

各一兩

為散用猪羊腎各一隻切開每隻入藥末半錢不得
着鹽溼裏煨熟五更初溫酒嚼下續喫粥壓

速效散方 治耳聾膿出久不差

地龍

一條入白葱管
當門挂陰乾

入麝香少許研為細散摻入耳內

魚醋膏方 治耳聾出膿或有蟲

耳虛鳴

論曰耳者心之寄竅腎氣所通也腑臟和平則其竅通而無礙腎氣既虛風邪干之復以思慮勞心氣脈內結不得疏通則耳內燂燂與氣相擊而鳴或為鐘磬雷鼓

或如蟬噪皆腎虛所致也

礪石散方 治腎氣虛弱氣奔兩耳作聲甚則成聾

礪石

煨醋淬七次

熟乾地黄

菖蒲

米泔浸一宿

牡丹

皮 白朮

各一兩

白茯苓

人參

芎藭

附子

牡荊子

炒

桂心

去麁皮

大黃

炒

桑螵蛸

切破炙

當歸

各半兩

羊腎

一對切去筋膜炙乾

共為散每服一錢溫酒調下日三加至二錢不拘時

桑螵蛸散方 治腎氣虛弱氣奔兩耳鳴甚則成聾

桑螵蛸

炙

附子

人參

白茯苓

當歸

桂

心

各半兩

牡丹皮

白朮

炒

熟乾地黄

各一兩

羊腎

切去筋膜炙乾

每服一錢空心食前溫酒調下日三加至二錢

鹿茸丸方

治腎勞虛後耳常聞鐘磬風雨之聲補腎

鹿茸

去毛酒浸一宿酥炙

礞石

煨醋淬

枳實

麩炒各二兩

附

子

去皮臍

山藥

肉蓯蓉

酒浸切焙

牡蠣

煨各一兩半

五味子

巴戟天

各一兩

楮實

炒別搗末三兩

共為末入楮實末同羅鍊蜜和丸如梧桐子大每服
二十九至三十九空心牛膝酒下

塞耳方 治耳內晝夜虛鳴

菖蒲 烏頭

去皮臍生
用一兩

為末綿裹半錢塞耳中再易之

牛膝煮丸方 治腎虛弱風邪干之上攻於耳常作蟬

鳴以至重聽

牛膝 海桐皮

二味各半斤搗末用好酒
五斤于銀石器內熬成膏

蘘香

子炒

當歸

五加皮

赤箭

赤芍藥

桂心

皮去粗

麻黃

去根節

地龍

炒

木香

獨活

乳

香研

防風

骨碎補

麒麟竭

乾蠍

炒去土

沉

香

天南星

生用各一兩

附子

去皮臍

烏頭

去皮臍

棟實

川芎

各二兩

虎腦骨

四兩酥炙

沒藥

一兩

麝香

研半兩

共研再入前膏內和搗三千杵丸如梧桐子大每服
十丸至十五丸空心溫酒或鹽湯下

耳聾

論曰耳者腎之候心之寄竅風熱搏於經絡則耳中津液結聚如麤片之狀久則丸結不削或似蠶蛹致氣竅不通聵聵為聾

豬脂膏方 治聵聵塞耳聾強堅不可挑塞耳

生豬脂一合 金下墨半兩

研

調和成膏捏如棗核大綿裹塞耳中

地龍汁方 治聵聵塞耳聾強堅不可挑灌耳

地龍

淫者五
七條

取汁數滴入耳中挑即自出

聾耳

論曰腎氣通耳耳者腎之候若其經為風邪所乘毒氣蘊結於耳中以至膿汁俱出妨悶疼痛謂之聾耳

白斂散方 治聾耳出膿血塞耳

白斂 黃連 龍骨 赤石脂 烏賊魚骨

去甲各一兩

為散先以綿拭乾用藥一錢綿裹塞耳中

鯉魚腸方 治聾耳出膿久不差者

鯉魚腸

一具
細切

醋三合

合搗布裏棗核大塞耳半食頃痛即有蟲出著布即拔之更易新者蟲盡為度

附子散方 治聾耳耳中痛

附子

去皮臍
一分

黃連

半兩

為散以少許摻耳中

又方 治聾耳塞耳

母鼠肝

一具

旋取活鼠乘肝熱時以棗核大塞耳中

治聾耳方

石首魚腦中枕子

為末摻耳中即差

百蟲入耳

論曰百蟲入耳其類不一古方或灌以藥或導以物皆
以意出之也獨驢乳牛酪二物最為良法諸蟲之入耳
灌之即化為水其入腹者則連服數劑取差

灌耳牛乳方 治蚰蜒入耳

牛乳一盞

少少灌入耳內即差若入腹者飲一二升當化為黃

水出未出再服

塗耳百部方 治蚰蜒入耳

百部焙切

為末以一字生油調塗於耳門上其蟲自出

胡麻枕耳令出方 治蚰蜒入耳

胡麻

半升炒
令香

碎研以葛袋盛側臥枕耳

豬肉掩耳方 治蜈蚣入耳

豬肉

一片一兩

炙令香掩耳上立出

鯪魚鱗甲方 治蟻入耳

鯪魚鱗甲

半兩燒
為灰

以水調濾過滴入耳中即出

豬脂枕耳方 治蟻入耳

豬脂片一 豬肉片一

將豬脂煮豬肉令香安耳孔邊枕睡即出

蜀椒醋灌耳方 治百蟲入耳

蜀椒半兩 醋半
為末 盞

以椒末入醋中少灌入耳內行一二十步即出

葱油枕睡方 治百蟲入耳

油麻一升 葱白一莖
令煙出 炒令香

將葱與油麻拌勻以餅子盛當耳門安側睡令餅口
向耳無令傾蟲從耳中出至餅子內即去之

又方

以火照之即向明出

擊刀方 治百蟲入耳

以刀口於耳上相擊作聲蟲即出也

治百蟲入耳方

雄雞冠血

不拘
多少

滴耳內立出

治蜈蚣入耳閉氣令出方

閉氣氣滿即吐復閉取令出或死耳中徐徐以物鉤
出之若積久不出者取新熱猪肉安耳竅上即出

治飛蛾入耳法

先大吸氣仍閉口掩鼻呼出氣蟲即隨氣出

又方

以雞肉塞耳中立出

鼻病門

鼻病統論

論曰肺為五臟華蓋開竅於鼻肺氣和則鼻亦和肺氣感風冷則為清涕為艱為息肉為不聞香臭肺實熱則為瘡為痛膽移熱於腦則濁涕不已謂之鼻淵惟證候不同故治療亦異

鼻塞氣息不通

論曰鼻塞氣息不通者以肺感風寒其氣搏結不得宣

快窒塞既甚而息不能出入也巢氏謂息肉生長致氣塞不通蓋有未嘗生息肉而氣息不通者宜析而治之人參湯方 治肺風上攻鼻塞不通

人參 白茯苓 陳橘皮去白 蜀椒去目并合口者妙

麻黃去根節 黃芩 羌活各半兩

每服三錢水煎食後溫服

杏仁煎方 治肺傷寒氣欬嗽唾痰聲重鼻塞補肺

杏仁去皮尖雙仁二兩研 棗肉炙去皮核一升 白蜜 生薑汁

酥

升各半

飴

升一

同合和於銀器中微火煎候熟服一匙頭溫酒調下
食後

人參丸方 治肺風上攻鼻塞不通

人參 防風 細辛 黃耆 沙參 甘菊花 炒

木通

兩各半

共為末鍊蜜丸如梧桐子大每服十九丸溫水下日再

木通膏方 治鼻塞塞不通利

木香 細辛 當歸 川芎 木通 麝仁 研

白芷

各半兩

共細剉內銀石器中入羊髓微火煎候白芷色黃膏成去滓澄清凝每用小豆大內鼻中日再以差為度

鼻塞不聞香臭

論曰鼻有息肉不知香臭者亦有無息肉而不知香臭生息肉不知香臭已例方濟此姑論鼻塞不聞香臭蓋鼻之窒塞或冷風乘或肺壅熱冷熱故異其塞則一皆

肺臟不和氣不宣通也治塞者當審其冷熱

天門冬丸方 治鼻塞不聞香臭

天門冬

白茯苓

各五兩

人參

枳實

炒

甘草

炙各三兩

檳榔

二兩

共為末鍊蜜和丸如梧桐子大每服二十九食後漿水下日再暑月以牛乳下

通氣膏方 治鼻中不利窒塞不通不聞香臭

木通

當歸

川芎

麝仁

桂心

各半兩

細辛

白芷

共細剉與羊髓三兩同於銀石器中微火煎至白芷黃色去滓澄凝每取小豆大塞鼻中日再

芎藭散方 治鼻塞不聞香臭

芎藭 辛夷

各一兩

細辛

三分

木通

半兩

每用少許綿裹塞鼻中溼即易

瓜蒂散方 治鼻塞不聞香臭

瓜蒂 藜蘆

各一分

每用一錢綿裹塞鼻中日三易

鼽鼻

論曰鼻和則知香臭夫鼻為肺之竅非能自和也必肺氣流通然後鼻為用而香臭可知若心經移熱于肺致肺臟不和則其竅亦無以宣達故為鼽鼻此乃內經所謂心肺有病則鼻為之不利也

黃耆散方 治鼽鼻順肺氣四時服食

黃耆 人參 防風 防己 生乾地黃 桔梗

炒

芍藥 黃芩 澤瀉 石南葉 白朮

米泔浸一宿炒

桂心

去粗皮

甘草

炙

牛膝

酒浸一宿

赤茯苓

紫苑

各三兩

共為散每服一錢溫酒調下如要丸鍊蜜丸如梧桐子大每服三十丸溫酒下

雄黃丸方 治鼈鼻

雄黃

一錢

甘草

炙

附子

去皮臍

細辛

各一分

為末用羊膽汁和丸如棗核大以綿裹內鼻中移時

出惡物即差

細辛散方 治鼈鼻不聞香臭宜塞鼻

細辛

甘草

炙

附子

去皮

木通

各一分

為散以羊膽汁和如棗核大塞鼻中

治鼈鼻法

伏面臨牀以新汲水淋玉枕上即差

治鼈鼻吹鼻

皂莢

一挺炙
去皮子

為散以一字吹入鼻中即差

鼻中生息肉

論曰鼻者肺之竅鼻和而知香臭風寒客於肺經則鼻氣不利使津液壅遏血氣搏結附著鼻間生若贅疣有害於息故名息肉

羊肺散方 治鼻中息肉

羊肺

一具切去
筋膜炙乾

木通

半兩

白朮

米泔浸一宿
炒黃四兩

乾薑

半兩

肉蓯蓉

酒浸一宿
半兩

川芎

半兩

為散每服一錢食後米飲調下日二

礬石丸 治鼻生息肉

礬石

熬令汁枯四兩

木通

細辛

各半兩

丹砂

研一分

共為末麴糊和丸如小豆大每用一丸綿裹內鼻中一日一易取下息肉止

胡粉膏方 治鼻中息肉不通傳鼻

胡粉

炒

白礬

燒令汁盡各等分

為末用青羊脂和成膏以少許塗傳息肉上

鼻淵

論曰內經謂膽移熱於腦則辛頰鼻淵鼻淵者濁涕下不止也夫腦為髓海皆藏至陰故藏而不瀉今膽移邪熱上入於腦則陰氣不固而藏者瀉矣故腦液下至滲於鼻其證濁涕出不已若水之有淵源也治或失時傳血衄膜目之患

防風散方 治腦熱鼻淵下濁涕不止

防風

一兩

黃芩

人參

甘草

炙

川芎

天門

冬各一兩

為散每服二錢食後沸湯調下日三

雞蘇丸方 治腦熱肺壅鼻淵多涕

雞蘇葉

乾者

麥門冬

桑根白皮

川芎

黃耆

炙

甘草

炙各一兩

生乾地黄

二兩

為末鍊蜜和丸如桐子大每服二十九食後臨卧人

參湯下

辛夷膏方 治肺熱鼻塞多涕

辛夷

一分

白芷

三錢

藁本

甘草

當歸

細剉以清酒二盞羊髓十兩銀器內微火煎五七沸
傾入盒中澄凝每取一豆許內鼻中日夜各一服

鼻流清涕

論曰五臟化液遇熱則乾燥遇寒則流行鼻流清涕至
於不止以肺臟感寒寒氣上達故其液不能收制如此
且涕泗洩皆鼻液也以繼泣則曰涕以生於肺則曰泗
涕甚曰洩此獨言涕與宣明論五臟化液肺為涕同意

細辛丸內鼻方 治腦冷鼻塞時出清涕

細辛

桂心

甘遂

炒

芎藭

附子

各一分

辛夷

半兩

木通

二兩

為末鍊蜜丸如棗大以綿裹內鼻中勿令氣泄覺小痛搗生薑汁和熬即愈

一方用狗膽和丸

芎藭膏方 治鼻塞多清涕

芎藭

吳茱萸

炒湯浸

蜀椒

炒去目

細辛

乾薑

皂莢

去皮子
各三分

細剉以醋浸一宿內猪脂於銀器石器中煎五七沸
去滓頃入盒中澄凝以綿裹少許內鼻中

黃連汁方 治鼻塞多年清水出不止灌鼻

黃連

去鬚
二兩

蒺藜苗

二握

細剉水二升煎至一升取一合灌鼻中不過再灌大
嚏即差

蒺藜汁方 治鼻塞清水不止灌鼻

疾藜

一握

細剉以水三盞煮至一盞去滓仰面先滿口含飯取
汁一合灌鼻中不過再灌嚏出息肉差

鼻中生瘡

論曰心肺有病鼻為之不利蓋心肺在膈上肺開竅於
鼻心肺壅熱氣熏於鼻間蘊積不散其證乾燥而痛甚
則成瘡也惟能平調心火以利肺經則瘡可已

升麻湯方 治鼻乾痒生瘡乾嘔不下飲食

升麻 桔梗 黃芩 犀角 貝母去心 龍膽各半兩

甘草炙一分

每服三錢水煎食後溫服不拘時

硫黃膏 治面瘡鼻頭赤爛

硫黃研細一錢

以葱白三寸入童便二合浸一宿研絞取涎和末如膏塗上不見風日二

梔子煎方 治肺氣風熱鼻内生瘡

山梔子

去皮
殼

苦參

木通

各三
兩

細剉以四兩酥同煎令香去滓傾入盒中每以少許

滴入鼻中

礬石煎方

治鼻中熱氣生瘡有膿殍兼有蟲

礬石

一兩
枯

苦參

生地黄

洗令淨絞
取汁三合

二味為末以地黄汁并水二盞煎至三合綿裹去滓

少吹滴鼻中三五度差

黃檗飲方

治鼻中熱氣生瘡有膿殍兼有蟲

黃璧

二兩

以冷水浸二宿絞取汁一盞服之

疳蟲蝕鼻生瘡

論曰五臟皆有蟲蟲得風則化肺開竅於鼻肺經既虛風熱乘之鼻氣壅塞不得宣通則疳蟲因得浸蝕瘡生鼻間

治鼻中疳瘡方

牛鼻津 取塗瘡上

椿根湯方 治疔蟲蝕人口鼻

椿根

切一升
去皮

鹽

半合

葱白

切半
升

豉

半升

椒

一合

去目

合和以醋及清泔各三升同煎數十沸去滓約及一升分作三服有惡物出小兒量加減

如聖散方 治疔蟲蝕鼻生瘡及鼻下赤爛

胡粉

半兩

麝香

研一字

甜瓜蒂

七枚為末
粉內同研

合研勻用蟾酥少許水浸一宿次日取蟾水先和粉

次同和丸如菜豆大每用二丸水化傳瘡上鼻下赤爛者亦塗之小兒每用一丸

青金散方 治疳蟲蝕鼻生瘡及鼻涕淹漬

銅青

白礬

生研各等分

同為散每用少許傳瘡上小兒亦可用

聖濟總錄纂要卷十八